

bšumaihun d hiia rbia mn lhil lhil qaiimna ana bmalalia d mana rba kabira minh
 šuba pasimkia hun mn lhil lhil qaiimna ana uadiaurai d minaihun biardna balbuša
d rbia umanhirna bhaila d `utria mn lhil lhil qaiimna banana d mina huit mn
 lhil lhil qaiimna b`uSTun kasia d baiar `titia biardna bmalalia kasiia
 umištaiina bsidria taqnia biardna bšuta kasita d aitit `lai mn atar nhur qrit
 ziua rba unigdit šuba iardnia uškinata traSibun aprištinun `l laupa
 ulkušTa d mn laqadmia hua aprištinun ldirka d mana rba kabira d bgauh sliq b`rutai
 utušbihtai `utria sagdia umšabia mn riš briš banitinun bškinatun uaqmit
 qudamaihun pasimkia šaniia kd adam riša d dara d kulh šurubta kd hua riša d dara
 `štauilh Sauta `štarhbat minh šurubta ulaupa d hiia `traurab `traurab laupa
d hiia d šanai ubaiar umanhar batar atar `tiqrun bhiria zidqa d `urbana ukadba
 litbun lahuabun `urbana ukadba ulahbabun gbilta d hšuka ulahuabun sina qina
 uplugia `tiqrun tušlimia šaliia d mn šaliia hun `traurab bmalalun kasiia
 u`tiqrun qudamaihun naTra udar upurun u`traurab uqarnaiun brišaiun `tgadal
 umitaprišia lziua rba ulnhura d iaqid batar ksia mitaprišia lhaila ušrara ul`ruta
d iauar manda d hiia asgia lka ha hdun `utria bmalalhun tušlimia bginzahun
 taqna lbaba d bit hiia kursia lrb ziua triS qudam ziua šalia `tingid iardna
 mn riš briš štkin tlata škinata ušuba gupnia `tiqrun `tiqrun šuba gupnia d mn
 iukabar ziua hun bairia balbušaihun uminihria bziua mn lhil ata ziua unhura
 upasimkia d mana rba qadmaia `hablun haila lalmia kulhun bhiria d npaq mn kulhun
 gupnia basimia upriš mn quramaihun qudam hiia rurbia sliq uaškinun bškinatun kd
 iatbia bškinatun larqa d nhura mitaprišia mitaprišia lhaila ušrara ul`ruta
d iauar manda d hiia d asgia lka ha malil hiia rbia ulhibil ziua d nimarlh
 amarlh `zil uaprišinun lbhiria d aitinun bhurba Sadia aprišinun lanania
 kasiata ulziua d `tingid bduk duk aprišinun lsradqia ulškinata uliardnia
d `tiqrun batar atar aprišinun lhilbunia gauaiia d ksia d mn qudam mara d rabuta hun
 hun mn qudam mara d rabuta `utria asgun lka aprištinun lnur hiia anana d mara
d rabuta d bgauh ksia aprištinun lkimSa lkimSat anana d pirun zuTa bgauh ksia
 aprištinun lanana ptula d hibil ziua bgauh šria nitaprišinun lšahrar uabdat
 ukišrat anana d mana rba kabira uniTupta d bgauh iatba nitaprišun liusmir anana
d šarat gupna rba kasia qadmaia bgaua ksia nitaprišun lsidar kasia anana d iura rba
 ganzibra bgaua ksia nitaprišun ltatagnur anana d libra bukra iušamin
 `tiahbat nitaprišun `l pihtat unihrat unipqat mn gu mia tartin anania
d linSab uanan nSab `hablun unitaprišun lbarat u`traurbat tartin anania
d sar usaruan bgauaihin šrin nitaprišun latar nhur ukbar tartin anania d šilmai
 unidbai bgauaihun šrin nitaprišun lkbar anana d liamina dakia `tiahbat
 nitaprišun lanana Talia zuTa d h` šaški `il anana šuma nitaprišun lmašql`il
 anana d `tniSbat ulptahil `tiahbat nitaprišun lsakia sakia d bauata
d b`uSraihun d bhiria zidqa minh d hazin alma haila ušrara umimra latra saliq upaiiš
 btibil durdia mn bauata d ram ziua hdisar minaihun šbaq mn bauata d anan gabra
 srin uarba minaihun šbaq mn bauata d bit iauar ziua arbin uarbia minaihun šbaq mn
 bauata d iauar ziua tlatin ušit minaihun šbaq mn bauata d riš haila umadihta
 asquia lrazaihun uhaila d akla arqa ukul riTna d raTin `utria bgauh d hazin alma
 mn bauata d kd iatbia hiia rurbia qadmaia bškinatun tlatin minaihin šbaq mn bauata
d raza rba upugdama d lmambuhia d mia ksunin mn bauata d kd ba hibil ziua kd asgia
 uata lbit abatur asqunan mn alma mn bauata d lriš aiar tartin minaihun šbaq mn
 bauata d bit bihram psaqnin ušbaqnin ladiauria mn bauata d `l tininia šaba
 minaihun šbaq aminTul d `daiun d bhiria zidqa d hauia kadba balma halin šitlia
 tahmia d hšuka dmuth saima ulanahra halin naSuraiia d hukumta d kadba mn `uSraihun
 mapqia umalalia tahmia lalma hanatun naSuraiia d kadba misap saipia liuma rba d sup
 šumaihun mitqar mn bit hiia uainaihun nhura lahazia mištaiin hiia zakin uzakia
 gabra d asgia lka sa
 . bšumaihun d hiia rbia ata `tia hiia traSlan d hiia pasimkia ata bziua napša d šanai

usaka litlun aitolun pugdamia kasiia d 'taprašbun bhazin alma bhazin alma
 nitaprašbun unišaba lgabra naSbai nišabinun lhiia rbia d hiia nSablun
 niSubta niSubta d hiia nSablun u'hablun adiauria `hablun tušlimia kasiia
d mparqilan mn kul d snia aprišan lbauata d baban adam bhazin alma aprišinan
 laiar gupna ulmimra d nhura d minh praš lTabuta d aitia hibil ziua ladam
 bhazin alma amar adam riša d kulh šurubta ana adam ana d hibil ziua hualia naSba
 hibil naSba hualia uparqan minh mn alma mn hauqa d kukbia šuba d lnišmata šabqia
 mn ridpa d kukbia trisar d kul dmu saina minaihun hua mn puria uiaqdana
d `lauaihun d lpagraihun šabqia mradpilun lnišmata d šihia ušauia latar nhur
 iahibilun kariuta lgubria kšiTia umhaimnia iahibilun ridpa utinihta lnišmata
d bhiia sahadin makšililun lnaSuraiia d lašihia latar nhur kabar 'lauaihun hšuka
 umn nhura mitakšilia mitakšilia mn nhura u'lauaihun ruha šaria 'lauaihun šaria
 ruha ušabialun bdaria d rabut zmar d šatin mištia d puhria uzamaria giuTa rba
 nihua 'lauaihun maitia muta tiniana uainaihun nhura lahazia ainaihun lahazia
 nhura uligraihun šrara lamaškia d `lh arsa d puria darak giuTa rba nihuilh
 uailinun lnaSuraiia d akšil šuba bhazin alma arbun brbita d šibiahia naplibh biama
 akla naplibh bšutia mitnangar 'lkun qarina nišmata d bhiia sahda ašar bhazin
 alma alma d kilaikun šalim 'lkun amarna umitaprišna nišmata d šaria bbaita
 napla kd tipqun mn pagraikun lhiia rbia mahu paršigna tatnun mahu timarlh
 lšganda d šarilkun minh mn alma mahu timarlh lmaTaraiia ulbab `siria d hatam šria
 mahu timarulh lanuš 'utra kd qudamh štailun mahu timarulh labatur 'utra ulbuša
d hšuka labšitun bhazin alma ulšuba zahriria d mn nhiria d `ur marh d hšuka npaq
 ltrisar Sibunia d mn hšuka titaiia npaq bhirai 'marlukun llbušia hiuaria
d bgauaihun d hanatun Sibunh maSba kulman d niSibh unilbšia nisqa lkiniana d atar
 hšuk mikalalbh ušakbibh bguhnam titaita ništagar kd napiq mn pagrh brpilh
d hšuka nitaksia nitaksia brpilh d hšuka uništikalun lšuba bmnatun kulman
d nitparaq minaihun nizdhar bnapšia mn kulhun nitparaq mn harbun uqalalun
 pirSun ušušlatun mn d rba ubišuta d zra mšihia bhazin alma kulman d nitparaq
 minaihun nisaq lhiia rurbia bškinatun nihzia lsam gupna dakia d lSTarrin `lana
 mina hua nihzia lšar gupna ubaupia unigbia ualuath ništkin nilbš kd lbušia
d bihram `utra unisaq nihzia latar nhur latar nhur nihizia nihizia ldaura taqna
 nibia unaška lnišmata d šr'iin bbaita napla zkin manda d hiia zakin kulhun rahmia
 uhiia zakin sa

. halin sakia usidria uaprišata d manda d hiia uaprišata d anuš 'utra d ansit
 ana ania uania umradpa zuTa d ahai ganzibra uabda d kulh haTaiia uarqa bigar
d naSuraiia ana rbai mhatam zihrun br rbai adam br rbai mhatam iuhana br
 rbai iahia sam br rbai sam bihram br rbai iahia bihram br rbai iahia bihram
 br rbai adam br rbai iahia adam br rbai šitil br rbai ram br rbai zakia br
 rbai iahia br rbai iahia zakia br abuhun d ganzibria rbai mhatam br rbai sam
 br rbaian rama uiaqira ganzibra taqna bhiria kailh rama naSiruta šragh
d `uhria umadihtan d brišan laqab manduia ukinianh `kuma d ansit lhad
 šalmantia umhaimna d sahid liba bhiia qadmaiia umanda d hiia uahbat zidqa
 napša ukidbat hazin sidra d huila dukrana btibil uhatam balma rurubia `laiia
d nhura d h' šuma d maSbuta šarat pt haua simat ušuma d mqarila binia brata
d dihla br maTlum br kTaiir br (ayin)idan br baiuT laqab pirišia ukinianh `kuma
d nsit ana mn kdaba d `da d hu (š)aduia rbai mhatam iuhana br rbai iahia sam br
 rbai sam bihram br rbai iahia bihram br rbai iahia bihram br rbai adam br
 rbai iahia adam br rbai šitil br rbai ram br rbai zakia br rbai iahia zakia
 br rbai br abuhun d ganzibria mhatam br rbai sam laqab manduia ukinianh
 `kuma d ansit lhad šalmantia umhaimna d shad liba bhiia qadmaiia umanda d hiia
 uahbat zidqa napša ukidbat hazin sidra d hauila dukrana btibil uhatam balma
 rurubia `laiia d nhura d h' šuma d mqarila himian brata d (ayin)aTuan br sabi(ayin) br
 šam(ayin)an br ganim br paraš br rbi(ayin) br dhis kinianh ku(h)ailh d ansit mn kdaba

d`dia d rbai iahia zihrun br mhatam br mhatam iuhana br bihram br mašid br
 našmia br karam br kiria br haiat kinianh sabur d hu `stad (ayin)aTuan br sabi(ayin)
 br šam(ayin)an br ganim br paraš br rabi(ayin) br dahis kinianh ki(h)ailh d ansit mn
 kdaba d ab dila d hu kdab lhad šalmantia umhaimna d ahbat zidqa uTabuta
 ukidbat lhazin ginza d hauila dukrana balma rurbia `laiia d nhura d h` šuma
d m qarila (š)uhun brathh d `ustad dizpulh br paizia br qamus br našmidin br
 ra(š)ab br našmidin br (ayin)abdil(h)asan kinianh sabur d ansalh mn kdabh d `da
d tarmida taqna rbai bihram sam br rbai bihram iahia br ganzibra taqna rbai
 bihram iahia br abuhun d ganzibria rbai adam br rbai iahia adam laqab
 manduia kinianh `kuma d hua ansa `l `ustad dilh br (ayin)abid kinianh quTana mn
 sidra d ansa lnapšia rba urama uiaqira ganzibra taqna rbai ram iuhana br
 rbai iahia zihrun kinianh `kuma d ansa mn sidra d `stad sa(ayin)ud br bšara
d ansalh mn sidra d rba urama uiaqira ganzibra taqna kiala rama bnaSiruta d hu
 sam iuhana br rbai iahia adam kinianh (ayin)isikir d ansa lnapšia zibna hurina mn
 sadra d haua simat bratia d adam br (g)arib laqab tum d ansalh mn sidra d rba
 urama iahia iuhana br rbai ram kinianh ku(h)ailia d ansa mn sidra d ab dilia
d hu rbai ram kinianh ku(h)ailh d hu `ustad paiad br naSir ldin kinianh
 iahiauia ansalh mn trin sidrh had minaihun rba urama uiaqira rbai bihram br
 hiiia kiniana ku(h)ailh uhad hurina ganzibra taqna rbai iahia mhatam br rbai
 sam laqab manduia kinianh `kuma d ansalh ahh rbai sam iuhana br sam adam
 laqab manduia kinianh `kuma d ansalh iahia sam br zihrun br anuš adam br
 bihdad (ayin)aziz d ansalh mn sidra d abuia d niSubta dihdar hulh kinianh (ayin)asikir
d ansalh iahia sam br zihrun br (ayin)aziz mn sidra d adam iuhana br iahia anuš
 šuiailh ansa rbai saruan bulbul br baian kinianh kuhailh zarzuia mn sidra
d mhatam zihrun br bihram mšarah d ansalh rbai baian br adam šuprtaiia mn
 sidra d haua d šualia iahia br iuhana br saruan d ansalh rbai baian br adam
 šuprtaiia mn sidra d haua brata d adam kuhailh mn sidra d rišaiia dihdar
 zihrun d ansalh iahia br adam ku(h)ailh mn sidra d šualia saruan br baktiar
d ansalh iahia sam br anuš mn sidra d adam šaiar mn ruzbia d ansalh adam mn
 sidra d br hiiia hibil br sam nangaria d ansalh anuš mu(ayin)ailh br anuš bihdad mn
 sidra d iahia br hibil d ansalh iahia br ram bihdad d ansalh iahia sam br
 saruan uasata d iatib lahuatalh uhiia zakin lalam almia
 sa